



MANIFEST ZA DEMOKRATIZACIJU EVROPE

Evropa će se demokratizovati kada oligarhija bude svrgnuta!

Uz svu njihovu zabrinutost oko inflacije, migracija, populizma, klimatskih promjena, pandemija, sigurnosti i terorizma, samo jedna perspektiva istinski užasava evropske moćnike, a to je: Demokratija!

Oni vole da govore u ime demokratije, ali u stvari samo je žele negirati, iscrpiti i suzbiti u praksi. Oni nastoje da preusmjere, izbjegnu, korumpiraju, mistifikuju, uzurpiraju i manipulišu demokratijom kako bi slomili njenu snagu i energiju, stopirajući njene mogućnosti.

U srži obnovljenog autoritarizma, kako 'liberalnog' tako i 'populističkog', leži podvala: Proces donošenja odluka je izrazito političan, postavljen po hijerarhijskom modelu "odozgo prema dolje", netransparentan, dok uporno biva predstavljen kao navodno apolitičan, tehnički, proceduralan, neutralan i, naravno, demokratski.

Njegova stvarna uloga je u tome da spriječi stanovnike Evrope u vršenju demokratske kontrole nad svojim zajednicama, radnim mjestima, okolinom, novcem, tehnologijom i da ostvare uticaj na ostatak svijeta. Sirova eksploatacija ljudi, životinja i naše planete postaje sakrivena svrha, jedini motiv i jedina orijentacija. Cijena za ovu prevaru nije samo kraj demokratije, nego i permanentni ekonomski pad, društvena stagnacija, tehnološka zaostalost, ksenofobija i klimatsko uništenje, što predstavlja sveopšti zastrašujući poraz evropske civilizacije.

Mora postojati drugi put. I on postoji! To je kurs kojem 'službena Evropa' uporno odolijeva svim žilama svog autoritarnog načina razmišljanja: demokratska revolucija!



Naš pokret, DiEM25, osnovan je u Berlinu 9. februara 2016. kako bi pozvao na pravednu revoluciju. Dolazimo iz svih dijelova Evrope, ali i šire. Ujedinjeni smo različitim kulturama, jezicima, naglascima, političko-stranačkim pripadnostima, ideologijama, bojama kože, rodnim identitetima, vjerovanjima, sposobnostima i koncepcijama zdravog društva. Jedna prosta, radikalna ideja koja nas je okupila postala je temelj DiEM25: Evropa će se ili demokratizovati ili će se raspasti.

Demokratija podrazumijeva 'vladavinu većine' koji su po pravilu siromašniji. Suprotnost toga je oligarhija, koja podrazumijeva 'vladavinu nekolicine', koji su, podrazumijeva se, bogatiji. Evropljanima se govori da živimo u demokratijama, za razliku od onih istočno od nas koji su u šakama slovenskih oligarha. Ovo je laž. Vladavina prava je, na sreću, bolje uspostavljena u Evropi. Ali u stvarnosti Evropljani žive u surovim oligarhijama, koje karakterišu povremeni izbori, čiji se rezultati zanemaruju ukoliko idu protiv interesa evropskih oligarha.

U sjenci ove tužne zaostavštine, DiEM25 sada ažurira svoju jednostavnu i radikalnu ideju: da bi demokratizovali Evropu, ljudi moraju svrgnuti njihovu ujedinjenu oligarhiju!

NAŠ POZIV

Nadahnuti smo vizijom neeksploatatorske Evrope koja pospješuje razum, slobodu, toleranciju i maštu omogućenu stvarnom solidarnošću, sveobuhvatnom transparentnošću, i autentičnom demokratijom.

Pozivamo ljude u Evropi i šire da nam se pridruže kako bismo zajedno zaustavili nalet autoritarizma, kako njegove 'liberalne' tako i populističke varijante.

Pozivamo savjesne ljude da prepoznaju da zajedno možemo srušiti "papirnog tigra", odnosno današnju, naizgled, nepobjedivu eurooligarhiju.

Pozivamo ljude koji dijele našu viziju da neumorno rade dok se duboka demokratija ne proširi na korporativni sistem, naš novčani i kreditni sistem, naše lokalne uprave, naše skupštine, naše Vlade i sve naše institucije – sa kulminacijom u transformisanoj Evropskoj uniji.

Pozivamo javnost da uoči da ono što počinje kao puko protivljenje "socijalizmu za bankare" i "mjerama-štednje-za-ostale", može proizvesti svijet u kojem naša napredna tehnologija funkcioniše tako da nam pomogne u kontroli naših života, da upravlja našim korporacijama po sistemu jedan član-jedna-dionica-jedan-glas, za osnivanje savjeta za dogovorenu demokratiju koja izrađuje zakone koje bi odobravalu naši parlamenti; pa čak i za procjenu društvene i ekološke vrijednosti korporacija i drugih institucija.

Ako ste spremni i voljni nam pomoći u predvođenju ove promjene, pridružite se ovoj novoj viziji DiEM25 – pokret koji je radikalniji, naoštren i preipremljen za svijet 2022. godine i onaj koji tek dolazi.

Pridruži nam se. Carpe DiEM25!